

APERTURA EXPOSICION DI PINTURA DI PADU DEL CARIBE..

Foto's/texto: Jan Poets.

DEN AMBIENTE

** Dialuna anochi ultimo a tuma lugar den Biblioteca Nacional Aruba, exposicion di pintura di nos Tata di Cultura, Padu del Caribe. Entre e invitadonan tabata presente Gobernador Mr. Olindo Koolman y Sra. Dora Koolman, Presidente Parlamentario Mr. Eddie Croes y Sra. Freda Croes. Sr. Ito Tromp a fungi como maestro di ceremonia, mientras cu Ruthy

Vrieswijk-Bergen a recita un poesia titula "Simplemente Padu". Sr. Hubert Booi tambe a expresa su palabranan na su

gran amigo Padu del Caribe, pa despues e invitadonan a haya e oportunidad pa aprecia e 93 pinturanan. E exposicion di e pintu-

ranan di Padu del Caribe lo ta habri pa publico e siman aki durante horario di Biblioteca Nacional Aruba.



** Durante e acto di apertura di Padu su pinturanan, tambe tabata presente Sra. Belen Kock-Marchena, kende recientemente a lansa su bunita obra den un forma di un buki riba mercado. E foto historico aki ta ilustra Aruba su dos excelente poeta/escritor, Padu del Caribe y Belen Kock-Marchena...



** Naturalmente despues e invitadonan a ser tremendamente entretenido pa maestro Rufo Odor y Lidwina Booi interpretando e bunita cancion.. "Abo So"...acompaña pa e dedenan magico di Padu del Caribe riba su piano...

